



24. februar 10

Inatsisartut suleriaasianni § 36 imm. 1 naapertorlugu Naalakkersuisunut apeqqut imaattoq matumuuna saqqummiuppara:

Naalakkersuisunut Apeqqut:

- 1. Pisortat suliffeqarfiini avataaniit Nunatsinnut suliaartortunut angalaneranut, pisataasa nassiunneranut assigisaannullu aningaasat qanormita amerlatigisut atorneqartarpat?**
- 2. Nunatta avataani ilinniartortatta utertinneqartalernissaannik piunasaqarnissaput Naalakkersuisut tamarmiullusi isumaqataaffiginngilisiuk? Imaluunniit Ilinniartitaanermut Naalakkersuisup kisimi isumaqataaffiginngilaa?**

(Inatsisartuni ilaasortaq, Malik Berthelsen Siumut)

Tungavilersuut:

Ilinniarsimasunik aningaasanillu amigaateqarpugut!

Taamaakkaluortoq Nunatsinni akileraartartunit akiliunneqarlutik, Nunatta avataanut ilinniariartortartuutigut arlaatigulluunniit piffissamiluunniit aalajangersimasumi Nunatsinnut suliaartortinneqarnissaannik piunasaqarfigineq ajorpagut.

Taamaattumik ilinniarsimasunik amigaateqarnerput pissutigalugu avataaniit tikisitsisariaqartarnitsinnut aningaasat qanoq amerlatigut atortarnerigut paaserusukkalarpara.

Kingullermik apeqqut 2-mut tungasumik apeqquteqarninni, Ilinniartitaanermut Naalakkersuisup Ilinniartunut immikkut piunasaqarnissaq Naalakkersuisut kissaatiginngikkaat oqaatigivaa. Ullullu arlaqanngitsut qaangiummata Aningaasaqarnermut Naalakkersuisup Sermitsiamut oqaatigivaa ilinniariartartuutigut utertsinneqartalertariaqartut.

Taamaattumik paaserusuppara sorleq upperissanerlugu, Aningaasaqarnermut imaluunniit Ilinniartitaanermut Naalakkersuisoq?



SIUMUT INATSISARTUNI ILAASORTAAQ / LANDSTINGSMEDLEM

Periarfissaq iluatsillugu Ilinniartitaanermut Naalakkersuisoq naqqikkusuppara Mittarfeqarfinni timmisartunik mitsitsisartunngorniat (AFIS-operator) ilinniakkaminnik naammassigunik pinngitsooratik piffissami aalajangersimasumi pinngitsooratik Mittarfeqarfinni sulinissaannik piumasaqarfigineqartamata. Isumaqatigiissut eqquutsinneqanngippat ilinniartoq taarsersuisinneqartarpoq.

Piumasaqartalissagutta soorunami kalaaleqatitta ilinniarsimasup pinngitsoorani ilinniakkaminut tulluurtumik suliffeqarnissaa, pitsaasumik najugaqarnissaa qitornaqarpallu meeqqeriveqarnissaa qulakkeertariaqarparput.